

晚晴移詩匯

晚晴簃詩匯卷一百七十七目錄

唐烜 十一首

王鐵珊 九首

陸鍾琦 四首

陳曾佑 三首

柯劭忞 五首

徐珂 一首

王存 二十八首

羅潤璋 二首

汪兆鏞 一首

曾習經 十首

文廷式 八首

劉樹屏 四首

程秉釗 一首

凌和鈞 一首

黃紹第 十首

楊承禧 七首

蔣廷黻 一首

江雲龍 五首

王以敏 九首

夏曾佑 七首

何士循 七首

李長郁 一首

李結

十首

姚鵬圖

二首

王景

五首

吳寶鈞

四首

言有章

二首

晚晴移詩匯卷一百七十七

徐世昌

唐烜字照青一字仲旭晚號芸叟鹽山人光緒己丑進士授刑部主事歷官大理院五品推事有虞淵集

詩話照青績學能詩不自表襮惔沈即署晚遭世變編集時盡刪少作所存多蒼涼激楚之音其戊戌紀事一首得自親見故摹寫逼真

戊戌紀事八十韻

皇帝廿四年戊戌秋八月其旬有三日國乃有大罰我時
官西曹監膺折獄職日抱城旦書上取司寇讞是日天嚮
午旅進綴班列濟濟白雲亭冠蓋正竊率突來高車客並
肩趨上謁密語人不聞掉頭卽揖別眾僚先屏退行遲獨
居末似傳中旨至滿堂氣慘慄處分要異常舉動何倉卒

私心妄揣揣口語互藉藉或言事慮囚或言行伏闕事在
三日前聖主下天綽歸政東朝廷新進官悉奪東海大鰲
魚早驚金鉤脫深宮含盛怒鉤黨窮誅滅罪甚八司馬一
一付縲紲眾論方快心有識甘卷舌外間喧噪聲禁旅雜
街卒傳呼丞相來肩輿兩飄忽入門坐堂皇鬚張面凜鐵
趣召主者至速縛六人出勅旨星火催決不待時畢獄吏
走且僵伍伯整巾袜須臾各就縛衣冠尙綽繚峨峨四新
參入朝三旬劣輒思大厦扶竟觸天柱折其一職監察抗
疏氣鬱勃同官側目久飛語相詆訐更有粵布衣未膺簪
與紱壯志不一伸連坐太突兀我時迫近前木立若朽質
故人乃面之顏忸心忸怛六人中予與林譚康皆不相識
深秀則已丑同年兼同門劉傳詔官人來天憲口爲述爾
培村光第則刑部同官也

等悉逆黨左右皆曰殺跪聽宣讀畢臣當伏斧鑕林君最
年少含笑口微呖譚子氣未降餘怒衝冠髮二楊默無言
俯仰但感額劉子木訥人忽發大聲詰何時定爰書何人
爲告密朝無來俊臣安得反是實抗辯語未終羣隸競牽
摔但聞官人言汝去不得活相將赴西市生死此决絕揚
揚如平常目送腸內熱步騎夾道擁闐闐車填咽丞相親
莅刑事與往昔別並有覆巢懼妻孥不敢訣引領就白刃
夏侯色可匹攜手入黃泉夕陽照碧血今日身橫屍前朝
語造膝幸賴喬公賢爲收無家骨吏人訖事返流涕向我
說役卒呈數紙云是獄中筆楊譚入獄後均有詩我時但憫默反覆
難終闔人生遂到此頃刻化異物仰見天上月照人倍蕭
瑟徒步歸寓廬入門忘飢渴家人怪我狀疑是感風疾約

撮告之知相對亦氣噎夜半魂夢驚不覺自嗟此國事方
艱虞時政有愆失徒聞縻好爵誰肯念王室養士二百年
辛苦數才傑貢自九州來帝曰予惟弼求治或太急論事
或過烈庶幾鼓朝氣一洗宇宙噎賈生昔痛哭絳灌頗不
悅出爲長沙傅謫宦猶稱屈況我祖宗朝欽哉惟刑恤未
聞禁近臣中道遭黥刑不待奏當成一朝飽屠割舉朝孰
營救到處肆媒孽罪狀在疑似性命快讒嫉逝者儻有知
叫闕天聽徹人世無是非恨難萬古雪我作紀事言覩縷
話疇昔匪以悼其私實爲憤所切

二哀詩

二君皆有識之士庚子均被參禍慘死

蘭午亭明府

維均

滄州吾鄰郡自古多奇士周旋文字交知我惟蘭子早歲

歌鹿鳴壯年偶出仕未膺赤綬榮忽集青蠅矢一官奚足
戀棄之猶敝屣歸來發藏書今古究終始下覩章句儒前
後等糠粃一身甘支離眾口任訾毀我時困青衿相過長
安市冠蓋日紛紜惟君獨偉視從此弟畜我論長十年齒
會合常苦慳兩度過君里君復京洛遊我初彈冠喜對牀
話風雨解囊濟庚癸導我語周詳愛君文麗綺君忽掉頭
笑書生見尙爾丈夫宏建樹豈在鑽故紙陳編酣糟粕隨
人效諾唯以此取世資咄嗟爾奴婢東西日侵略當引爲
國恥袞袞諸公卿了不知彼已隱憂伏蕭牆閭位亂掘紫
餐郵豈徒然興亡有責耳鄰舍聞咋舌竊罵君狂詭昧昧
我思之鍼砭徹心髓句留逾半載睽違倏一紀中間一邂逅
匝月整行李有如飢得食頗似鼎染指譽我學精進窺

君貌衰委君養丘園高我痛聖廬倚朝端爭水火君言斯
驗矣三輔暴徒起爬梳不可止紅巾塞里巷朝人幕犬豕
官吏莫誰何父老肅拜跪君曰乃盜耳蘊禍在內究忌者
走相告兇黨拙刀俟俄頃悉彙集大索不移晷倔強就執
縛謹呶醢之已枯齒暴原野家人幸料理不日渠魁誅慝
血爲君祀我困圍城中翠華已西駛消息故鄉來流涕但
撫髀不得哭寢門喉梗若結痞乳臭實召禍賢哲獨遭否
昔約君卜鄰今爲君作誄昔別客魂消今傷臣質死造物
能窮人先奪其所恃欲碎伯牙琴且隱南郭几天池有時
翻泉臺何日起安得寄此詞置君幽宮裏

王湘岑參戎 變

王公甯河彥家山推麟鳳曾祖諡剛節殉國泰山重君少

負逸才力學不好弄追琢成文章將爲清廟供家貧守世
祿國恩支薄俸辛苦事橐鞬黽勉易章逢上承老母歡下
教叔與仲各舉進士第先後玉堂貢惟君補右職羽林困
羈鞅時有張勸果許君爲國棟勸君脫兜牟論薦儲大用
君戀潔白養甘阻六翩虬執戟揚子雲思比相如諷朝出
介馬馳暮歸攤書誦我昔客京華頗好事吟哢定交杵日
間羨君識鑒洞說詩解我頤論文釋我癡一別忽六年天
爲補缺空君備干城選我獻皋陶頌重結金石契憂樂誓
與共造訪停吟鞭招邀破蠟甕煥撲東華塵寒蹋天街凍
快論爭軒渠得句互磨礪往往拍案起絕叫驚僕從君胸
羅五洲强弱分鄭宋譚兵鄙馬武著論先江統東鄰氛正
惡廟堂事倥偬我適登君堂獨居心有恫太息事至此國

是尙昏霧一戰將不國禍變由斯種我聞疑信參君言果
億中豈料庚子夏畿輔暴徒闖咄咄密勿臣迺爲市井哄
殺掠徧衢闔橫流如決壅君守朝陽門匹馬力制控鴟叫
晝日昏腐聚兇徒眾亂刃隨交下須臾畢酷痛白骨蕩灰
塵碧血滴乳湏次日我聞知癡立若墜夢猶憶十日前過
我食角糲哭君不成聲賻君不能賙妻孥倉皇避凜凜覆
巢恐書史付一炬遺稟莫甄綜鈔存我亦失慵放亟自訟
我時三上書不得採菲葑京華隨之覆戮誰始縱公卿
不解事安能責愚憊良人身盡殲恩卹徒頒贍我長君兩
年後死其猶瞽匪僅抒私悼兼爲千古慟

乙卯都門雜感

壯歲耽圖史衰年厭綺羅無官輕束縛有志悔蹉跎燕市

誰啼髮秦川尚枕戈書生信枯槁三復采薇歌

未能追古哲不敢傲時人衰病慚通隱羈棲學任眞鏡中吟態苦衣上酒痕新去住都非計閒愁怕損神

南郭方隱几君平正下簾新叢培藥本細字認書籤散慢妻孥怪疎狂故舊嫌料無白衣使生惜後陶潛

偶被招邀去親知笑我頑停杯數人物洗眼看江山往事宜緘口新聞足破顏畏人問出處曾記點朝班

不覺光陰換經春又及秋薰風雖燕喜涼雨晚蟬愁物理皆如此人生當自謀榮枯千載事吾道豈蜉蝣

舊業荒蕪盡中年仕宦疏任飢兒女色懶復友朋書落葉愁難掃名山願已虛故鄉春夢裏父老話畝畬

天地此儒冠餘生託一簞交疎譏訕少家遠轉遷難偕隱

終無侶盟心殊未寒平生薄庾信開府在長安

一代論風雅愜神韻標明湖賦秋柳遺恨在南朝辭漢
銅仙泣朝周玉馬驕前賢如可作何但客魂銷

王鐵珊原名樂洋字海門一字伯唐英山人光緒己丑

進士官兵部主事殉難贈道銜有王戎部遺墨

詩話伯唐四歲通韻語詠釣翁云東海魚難釣孤舟
自有人其父曰洋洋乎志也殆吾家珊與因以名
之八歲能文章中年通籍恥爲干謁人以雲夫老兄
有狂氣東坡先生無一錢二語慨其平生庚子國門
之變肩戶大書云惟我祖我父所以教珊者祇爭此
一刻耳遂從容自經死詩文與字皆奇獨雄特不墮
趨時

和哭盒詩

匹馬長城見窟泉上都宮闕夕烽邊穹窿遠下諸陵拜轉
戰誰容一劍前不有艱危多難日豈看社稷中興年風塵

逆旅薦肩客回首關門已怳然

才名海內更無兄漫汗當年謁太清閒道舊悲經喪亂新
亭還見泣公卿黃塵夕警甘泉火白帽雲屯左輔兵倉猝
東山安石去可令回首計蒼生

鐵硯冰鎔汎墨花南山夜雨走雷車深憐范老胸盈甲盡
道溫生手慣叉鹿野呦呦春喚侶魚歌浩浩客無家懸知
衡岳雲開處一葉輕舟渡赤沙

和桀塢四丈雜感詩

土風燕趙慣悲歌南市樓臺數廣和十日大酺頻際會兩
都舊賦苦研磨金牛雪塞朝窺牧石馬天地夜涉波見說
蒿宮親撤樂簡兮賢者意如何

撒手扶餘萬馬迴漢兵歌嘯走飛灰可應幕北誅蘇建終

見川西賞妙才九廟神靈圖寢固百州琛貢簡書來重喬
介駟君休問渝水孤軍事亦哀

海東關白木無名枕石天教拔漢旌浪語似聞陶李子大
星更落武昌城蒼黃榆莢飛春雨赤白花園築帝京稽首
湘川老漁父刺船須我踏莎行

天上羣仙紫玉衫芥山畫納石巖巖晉家族閭無敦應亭
社衣冠盡陟咸怪犬穴潛知牧貴靈蛇池報爲恩銜侍輿
北極重浮出清淺蓬萊急舉帆

憂天一淚直滂沱寂寂中原獨枕戈恣眊重冥故如此試
開函谷敢誰何陶輪世界歸高掌霓舞靈仙醉大羅萬里
身行但有哭商山莫唱紫芝歌

登高作

葉葉羅雲結翠帷
梵天花雨照秋暉
登高悔是重陽日
千里燕山一雁飛

陸鍾琦字申甫宛平籍蕭山人光緒己丑進士改庶吉士授編修官至山西巡撫諡文烈

詩話申甫頗諱宋五子之學自詞林出督江南糧儲游陟封圻遭逢百六與其子亮臣侍講倉卒死難亮臣亦得易名文錦與孟忠靖貞孝媲美烈亦可悲已

題金檜門總憲觀劇絕句

虞陸賡歌際盛時
人間絃管不教持
寓言本是南華旨
翻作西涯樂府辭

停輶畿輔正搜才
桃李千蹊是舊栽
玉尺罷量閒作字
幾人法曲共聽來

登場鮑老意闌珊
粉墨徒留壁上觀
一首加官先道破
退

場多是不堪看

短髯道士夢中身喚醒邯鄲索解人莫作東山品絲竹神
奸禹鼎鑄方新

陳曾佑字蘇生鄞水人光緒己丑進士改庶吉士授編
修歷官甘肅提學使

和少璞飲茶詩

少小不嗜茶茶具隨例供邇來日數酌收茶資微俸茗盃
慰朝飢瓶笙伴夕誦火活燒松明香清與梅共飲罷北窗
眠看雲目爲縱

品茶先品水水佳味乃全晨興汲甘井一勺手自煎適意
豈必酒飲中亦云仙安得蘭谿水到此冰雪天置符信可
調今無蘇子賢

朝士競徵逐飲饗造細微傳餐學西式何止肉食肥朋儕
八九聚日哺醉忘歸低心逐時好慙勉終有違一杯且解
渴伯玉今知非

柯劭愍字敬孺膠州人光緒己丑進士官安徽候補道
有二州山房詩鈔

立春日寄姚小樵閩中

故國驚春至題書寄歲闌以君爲客意知我傍人難鼓角
嚴城曉星霜旅夜寒飛鳥頻寄語那得一枝安

游陳氏園同劭愍弟及經五妹丈

十里城西路名園蠟屐尋松陰連徑潤苔色到門深霜木
垂丹果風端落翠禽轉憐烽火後復此共登臨

都中贈別范岱雲大令

前年河北有書至知君共作鄴中客風塵暗天道路長寄
書何由到君側今年子季初射策春風共上長安陌君時
亦來甫下車抱袂漸得親顏色燕臺三月風景殊白日不
見黃塵趨杜門客館不復出踪迹往往嫌多疎爾來天氣
復清霽訪君一爲傾歡娛郎官大令今二蘇談詩不見心
踟躇街頭泥滑春雨初觀棋邀我高君廬天門藥榜照九
衢南宮姓字君則無晉州齊州千里俱分飛急又唱驪駒
君言航海欲歸省我聞此語生嗟吁我家閩宰故丈夫荒
祠落日空嘯烏歸骨未得返故都眼穿不見螺江書卽今
淪落昔不知艱難萬事誰能圖感君意氣眞吾徒爲君長
語留斯須海水東流南北區嗟君此去天一隅明朝分手
九河道他日相思萬里餘

出東昌作

十載風塵夢一回征車重過魯連臺荒原水澗新苗長大
澤春寒細雨來戰壘經年荒草合成樓一角暮雲開鄒枚
久作梁園客深惜當時作賦才

鹿邑署中

何事他鄉客淹留迄至今官齋連夜雨澤國足春陰小院
通花氣閒窗度鳥音仙臺城內有幾日廢登臨

徐珂字仲可仁和人光緒己丑舉人官內閣中書有眞
如室詩

安慶答宗篤庵

風雨晝如晦江淮春已深看花千里約聽雨五湖心舊燕
營新壘歸鴉失故林因君感飄泊還答式微吟

王存原名景沂字義門一字存子江都人光緒己丑舉

人官內閣中書改廣東知縣

詩話義門幼劬學長有才名工駢文詩詞善書能篆
生平心力瘁於入幕代人屬草皆刻意爲之絕無苟
作雖所主非解人不顧也婦許亦能詩歿
於京族義門繼逝家貧無子稟多散佚

贈李審言

多聞直諒今有幾李叟肫然古君子蹤迹各在天一方文
字不隔心千里我方登壇拜龍象君乃緣谿顧鱸鮓亂離
再見驚老醜險韻相貽鬪詼詭時危佳人有作賊命短詩
朋半爲鬼多君守道宗淵騫扶病忍飢嚼宮徵嗟余食粟
晚知慙未完補讀賢乎已閉門飽聽妻孥罵枉尺懼爲魑
魅喜卽今義熙何甲子坐見淮海呼庚癸江樓得酒肺肝
熱更乞雷音蘇凍耳

拔可邀食新荔病冷不克往夢回口渴憶粵中黃皮
果不置寫寄二絕句

已倦橫陳疏女嬃所須丹藥火吾宮爬搔痒垢除巾幘
受涼宵一簟風

渴羌曾作近南官山驛鳴肩啖露團絕憶牆陰金彈子江
南無此可人酸

寄沈友卿江甯十二韻

七載炎州別相望閱歲寒羈孤轉江海旅食守叢殘枯樹
餘生在狂花瞥眼看梟鸞一毛羽蛟蜃各波瀾錯有量金
鑄餓愁買玉餐自然堪隕涕何處足憑闌念子從軍幕論
文據將壇新詩能惠我做骨不應官西瀛酣歌老南樓賓
主歡愈風煩草檄活國待彈冠腰瘦心逾壯時危地孔安

近聞摧六虎早與說廉丹

董卿書來有歸志頃聞移鄂卻寄一首兼訊蘅意

書來款款說宜休誰遣移官泝上游
泊宅何須問鄉里買山是處足林邱
微生共老兵戈際別夢仍依江漢流
絕笑欣奔彭澤令輕裝能爲小姑留

旅居對門有餅師兒當壚喚賣探喉轉音圓折哀厲
達丙夜不息方今之人以口舌取富貴者何限是
兒操業賤而勞苦已甚詩以哀之

嗟汝餅師兒轉吭清越若杜宇胡不挾瑟邯鄲去不然琵琶鮮卑語可以千金一曲事貴人鮮衣玉饌馳飈輪惜哉
守此犢鼻褌霜寒月斜不得息貫珠繞梁空嚦嚦更苦鄰
家失眠客

武進陳君研因以余與其尊公鑑漚先生有一日之雅介公約通殷勤感念疇昔愴然有贈

佳茗醇醪憶往還驚蓬宿草斷追攀能先大劫收身去坐看彌天戰血斑已隔死生江海外待通風義紀羣閒哦詩莫起蒼茫感排遣春愁對蔣山

山海關旅次送別王翁丈

孤雲逐南風六月出遼海登臨旅情換俯仰人事改江城寒雨別捧手忽三載茲來已行樂迨暑賺清快楸枰困而學筆舌文無害何期畏簡書虛用涉濤瀨五日遂分攜莫罄胸磊砢苟活忍須臾既往孰追悔兩儀方洵洵誰能理功罪先生還野服日與金石對賤子墜坑塹將老倚市賣何方覓二頃解脫得自在尋詩撰印杖湖船聽欵乃

丁巳八月十三日過菜市弔晚翠

碧化煙銷二十年等閒雞犬盡升仙
回天獨坐成今昔屈指甘陵讓汝賢

燕啄龍歸事已陳本初仲穎亦成塵
千秋抉眼東門客輸與焦頭爛額人

鶴歸燕市風塵黑笠釣鼈峯海氣涼消受
湖山新俎豆故人今作水仙王

約兌之游香山

浮生浪說貧非病漸老翻因病得閒
冗食不煩先請急郊游聊喜當看山
夢回烏帽黃塵底意在青林白嶂間
祇恐輸君腰腳健上方蘿葛未能攀

海水

海水間浮幾變遷
天龍八部散如煙
世尊終墮泥犁去
迦葉拈花一莞然

籠東

彌天四海一雞蟲
束手收心破屋中
晚學健忘詩送日
寒衣遲到酒塵風
腐儒稷契成秋蠶
窮鬼車船用火攻
莫問阿婆三五事
看花攬鏡本籠東

贈何墨

何郎二十已勃窣
能寫山容鑿山骨
時爲阿翁添老樹
獨泝西江問津筏
槐堂之年半缶廬
子入虎穴拏虎鬚
我今贈詩膠以斧
出一頭地讓宗武

贈張君自操兼簡姚雨平四十韻

張侯二十強已學
萬人敵四七建旗
鼓盪決走南北投
壺

謝多馬解甲遂斂翼王城三年住大海六月息陰符蝕秋
雨青春送白日元黃野血亂袖手養淵默邂逅羈旅中屯
遭引佳覲初見相勞苦深語倍溫克昨來更殷勤念我懸
磬室謂可恣取求襪被數晨夕金門一囊粟與共尙有力
賤子感且辭齒粲淚暗滴安得長者言溫馨暝立壁牀頭
金未盡舊館足容膝無爲使君累政用自鞭策憶在光宣
朝珂鄉弄刀筆戴星雖疲勞省已多闕失才賢幸匡救父
老寬刻責昔年甘苦事都化煙雲迹惟餘香火情異代猶
不隔窮老眾吐棄溝壑分所得假令一瓶鉢墟里傳而食
庶幾相招邀勿慮被呵叱充君解推意茲願儻可必方今
海南州魚尾燒天赤鯨蛟各磨牙人命賤蟣蝨曷不投袂
起大雲蔭火宅山民耐征戰私廩尙豐實異軍成一隊士

勇吏恟愾運以豈弟心治以清靜律剝復沚小休理數有
終極壺漿羅馬首驕將定傳檄撥亂反之正功成就耕織
腐儒無見踰長揖參寸尺詩新荔子熟惠州飯飽喫便當
行荷鍤醉死笑啞啞斯言如夢囈此計關家國赤亭姚弋
仲我敬公所睚同來聽荒雞起舞霜月白願言厲毛錐攘
襟二豪側

丙辰初夏雨中口號

虞羅滿山筍在梁天時人事兩未央扶顛誤喜相司馬竭
澤誰與烹弘羊殘客亡人同所願監軍使者空相望泥行
賃春換一飽雨積壞麥愁青黃

書衡曼仙招飲賦謝兼述所懷

汾水鳴簫侶荆臺傳粉郎兩賢同好我五歲再升堂窗竹

如相識庭柯暗有香買春饗子貴清暑食單涼野服羞殘
客元談半楚狂坐遲花上月夢隔海生桑眯眼風塵際回
頭翰墨場別來俱老大飲罷獨蒼茫險欲增詩膽寬惟拓
酒腸故人眞賞在一爲奏清商

贈覃孝方二十韻

十年黿魚鄉耳熟賢令尹連城近芳躅短轅接高軫觥觥
慈惠師拔薤健秋隼東施苦描畫寸銳來尺簪香江酒樓
上華星俯欄楯石塘明月圓海氣天風引通辭喜揩眼陳
力知絕贖彼都爲合傳汗滴謝不敏清言互蠻語促坐恣
嘲輶瓶空夜潮急扶醉去可哂官符王路隔軍笳楚歌緊
歸客賦鸚鵡流人雜螻蚓苟活焉用文半黠祇自閔立槁
亦素心女嬃冒安忍薄游背雁飛新涼惜荷盡長安彈棋

局青紅幻蛟蜃登堂話疇曩槿離繞石筍相看各鬢鬢豈
謂俱泯泯君其奮羽翰我惟鉤肝腎夢中荔枝灣花田共
畦畛

上將

上將尊南服蒼頭起異軍不成傳檄定可惜治絲棼黯澹
菴湖水迷茫笠澤雲吳蠶春罷箔江雁夜驚羣大樹婆娑
老悲節日夕聞母然更煩費終仗解紛紜

讀槐樓病中雜詠題後

天遣詩腸取病寬渾然虛白得還丹鐵門限外千年調玉
版聲中一字難作夏可知行藥趣送春準擬折枝看夢醫
尙寐吾方始欲寄陳芳覓暫安

福廬先生枉寄亥既集讀竟賦謝

一貧報國愧多財

本來句意

三字稱官列上台投老昌詩猶課

日吞聲每飯自興哀病鳴淩鳳知何有腐鼠呼鷄更不回
賸好推枰延橘叟冷吟銷盡挾天才

和桃樓瓶中芍藥卽用原韻

盆盎能留絕世姿浪蜂驚蝶莫教窺幸逃風雨猶爲福取
媚軒窗暫入時贈遠祇應懷孟弋埋香須遣近要離大千
春色從人看比似鷓鴣借一枝

寫近詩就正於志盒復書謂當與松鄰同讀再簡一

首兼訊松鄰

吾宗詩律早升堂道子開元遠擅場二妙取懷相賞析百
篇低首待平章自憐微尙牽人事未有中聲起國光腹負
眞慙讀書少眼明今喜得朋良

金衡意來詩盛言彭澤山水之勝君官翰林二十年
堅卧不出今忽兩作縣令寄此調之

平生金翰林懶不聽朝鼓年年送作郡高枕卧江幹胡然
百六會攘臂說治譜辭尊而居卑捨身救眾苦豈云戀升
斗頗亦商出處諸侯有惠愛好景相媚嫵猶能賦新詩豔
說名山主

君來詩有一年管
領小姑山之句

三徑資有無公田視時雨

昔我折腰日人禍未蔓延入官已驚惶百怪來蜿蜒不免
用意氣中更相哀憐知罪仍竊祿徇己稍任天如是八九
載顏厚手足胼較知偏瘁區差得試所便喜君山水縣遠
紹陶公賢陶公豈不美吏事無述焉毋亦望而走賸可酒
作緣疲氓今子遺況入義熙年君勿小百里豈弟足迴旋
癭廩過訪奉贈一首並懷東原

陋室能來長者車寂寥羈旅意何如安心欲訪無生法用
世惟求相斫書鶯燕老君評玉雪馬牛嗤我在襟裾南天
桂十如通問擬傍桃榔賦卜居

陳孝起索題四十九歲所臨晉唐人書冊子

發興自輪囷臨池見苦辛問年窮不死驚坐筆如神亦恨
無臣法應難索解人莫將酬酒債留爾伴蕭晨

羅潤璋字琳修湖南桃源人光緒己丑舉人江蘇知縣
有羽儀閣詩藁

延泉夜泊

露重天高霜氣清滿江流水浩無聲山鐘響歇漁燈遠獨
倚颿櫓看月明

偕陳四伯彝遊雞鳴寺樓晚眺再登北極閣

峯頭傑閣聳崔巍，望裏星辰北斗開。
半壁江山留柱石，入荒煙雨會樓臺。
陳登百尺容高卧，謂伯孫羅隱三生儻再來。
南國風流今未艾，鄉關庾信不須哀。

汪兆鏞字伯序號憬吾番禺人光緒己丑舉人有微尚齋詩

泐溪巖

秋士無好懷，新爽卻喜秋。牆頭數點山，寒碧與目謀。
蟬聲引苔屨，鳥路穿林樾。巖腹呀然入，繞戶眾綠稠。
石骨鬼斧削，竹根禪牀幽。循磴蹋枯蘚，開軒臨清流。
流雜卉響笙筑，古藤蟠蛟蚪。撲衣山翠溼，斂袂塵慮收。
惟歎紹興年，題壁窮雕鏤。其時南渡初，戈鋌徧中州。
蕭然人間世，胡爲逍遙游。曩賢豈無意，詩人工寫憂。
興感在千載，寄懷聊一邱。青草

藉可坐素膠醉卽休徑當結茅庵佳處爲我留

曾習經字剛甫號蟄庵揭陽人光緒庚寅進士歷官度

支部右丞有蟄庵詩存

詩話剛甫佐農曹綜理精密辛亥後寄寓宣南卻聘課耕貧悴以歿詩託意深微而出以淡雅溫厚清遠在都官後山間光宣之際自名一家

汪子賢宅菊花

平生汪子交情厚十年同巷更稀有日日天衢比馬歸夜
或縱談月挂斗心親直置形骸外豈有物色阻攜手近營
別墅足邱壑憶向春前乞桃柳誰能助長煩智力要令生
氣充戶牖先生固是羲皇人側身竟落乾隆後年來萬事
足悲咤暮喈朝唏如疾首旣念大弔挂空壁聊復千金珍
敝帚眼看世事紛棋局安論文章覆醬瓿青天白日了無

事紫蟹黃花幾重九王尼居處滄海流杜陵老屋秋風吼
且喜官齋得閒曠掃除一室意不苟浮花浪蕊雨淹盡紛
紛泥塵同一垢最念東籬乾淨地醉倒且擊秦人缶手攬
一枝聊自慰後時獨立差可久結根失所古所歎且從憂
患養年壽

趙堯生招同法源寺看丁香

游心難再羈迫此青陽暮投鞭事初地把臂獲良晤沈沈
大雄殿丁香覆兩廡峭禱資文字香潤及巾屨連簷竟晡
靄久坐宛清曙固知佛日長稍覺天倪露平生趙御史補
缺匡王度似爾風霆手正要玉雪句入世有生老隨緣無
迎拒長年眇歡悰及春理芳緒餘花今未歇陳迹昔已屢
初非兩眸計似深一宿悟達生幸能託淨義略可樹春芳

固外物且任騰騰去

陳麓賓乞罷客過之方灌菊畦語客曰頃頓間有園
居之適然每傍晚澆花望平西之日覺甚異也予
聞而悲之

投老歸來幸未遲菊叢猶賸兩三枝可憐看到平西日不
是尋常墮甌時

穆天子傳

黃竹三章悔可追周家仁厚有流遺君王寡樂吾真信不
待歸途哭盛姬

田居

漸緩愁年入渺漫村居二月尙嚴寒未應開口逢人喝且
試將心與汝安遲日野陰殘照在新潮春漲斷冰寬荷鋤

已是餘生事報答東風只肺肝

二月十一日大風雨雪

入夜風怒號雨雪倏兼至晨興啟半戶浩浩勢未已河流驟生波簷雀俱斂翅春鋤正入手今日適無事坐誦淵明詩閒臨隱居字我牛緩齡草亦似有閒意一杯聊引滿不覺及三四村醪雖云薄餉我一美睡

夜起海棠花下作

月氣冥濛罩海棠偶然沾醉繞迴廊似聞德祐編心史頗訝希夷得睡方久閉亦嫌吾眼懶獨居遂覺老懷長此花只與春陰便雨砌明朝有墜芳

題周子元遺詩

四卷完完手自編鄉邦文獻一潸然倚廬不及寢門哭並

世同爲膏火煎鑊地活埋慚我在生天成佛讓公先昔人
只歎龔生天苦憶莊休木雁篇

清明日同社約訪萬柳堂遺址子到遲社散僧方掩

樓扉獨自登樓凝望暮色蒼然

舊栽楊柳半成薪慚愧尋枝摘葉人異代同時俱悵望良
辰佳約阻逡巡固知萬事歡難並卻恐孤游迹易陳獨立
小樓無可語偶從暝色得清新

送溫毅夫還山

尋常惜別到今非反袂翻無涕可揮下國未聞堪實美故
山誰信藥苗肥鴻毛生死聽時論燕羽差池賦大歸去與
遺民談野史一亭宛在雪初飛

文廷式字芸閣萍鄉人光緒庚寅一甲二名進士授編

修歷官侍讀學士有雲起軒詩錄

詩話云周江湖場屋久負才名及入詞館爲崇陵所知大考蒙峻擢屢上書言事卒以是見嫉論罷有詠月詩曰藏珠通內德當年風露青冥忽上仙重詠景陽宮井句凌乾月蝕弔憐嫺爲珍貴妃殉國而作詞旨顯然

贈盛伯希祭酒

鬱華閣裏警秋聲道在忘身況強名十葉承華眞帝胄五經通貫老儒生如聞撫劍憂邊塞復此銜杯樂聖明未敢勸君焚芟製寂寥太學想陽城

山居雜詩

雪山筍裏勤求藥祇樹園中廣施金獨有淨名無一語天風吹座落花深

石澗纔扃三尺瀑巖梯高冒萬年藤窺窗欲下猿偷果過

明倫彙編 家範典 卷一百一十一
澗仍回鶴啄冰

山谷老人親種樹碧池處士舊憑闌斜陽不改青山色寄語時賢鄭重看

潞河舟次

春色在楊柳北風猶峭寒城陰連岸暝浦浪激雲寬蔬少厨人計鐘殘旅夢安篋書留諫草未折寸心丹

夜坐吟

銅壺咽漏夜雨長蘭缸墜穗凝寒光絃聲淒淒管聲促送入北風聞斷腸此歌不足聽此心不可傳如海濤千波循環固無端階除無聲巢白霰白鳳旋空羽如電鄴臺銅瓦化鴛飛冷灰糝入甘泉殿

辛丑元日試筆

謫籍棲遲久積波感慨頻新年增白髮故國滿青燐星明
空江夕花穠小檻春迂生謀已拙窺管驗鉤陳

誰解橫刀出眞成下殿趨亡秦三尸在哀郢兩門蕪日月
迴元運風雲感聖謨幾時哀痛詔寰海慶昭蘇

劉樹屏字葆良陽湖人光緒庚寅進士改庶吉士授檢

討厯官安徽候補道

詩話葆良治詩古文辭皆有法通籍後究
心新學有經世之志晚遭離亂憂憤以終

庚子秋金丈澐生以冰泉集索和時有謂伯兄葆良

已遭拳禍者集中有伯兄書後一篇讀之增痛

漫叟一亭古琴尊續舊游風泉滿清聽天地入高秋茶味
靜中永詩魂醉裏收蒼梧故炎徼勝跡待冥搜

粟香披大集名下固無虛老去宦情淡歸來塵事疏招邀

書畫舫卜築水雲居我欲圖蓑笠持竿逐老漁

伯氏文章伯驚心汗漫游臨歧纔一瞬小別竟千秋荔薜
魂無語榛荆骨未收名山儻不朽遺篋忍重搜

風塵正頓洞幾旬況空虛白挺交衢亂紅鐙閃月疏土沙
卿相血豺虎帝王居重我鵠原痛張圖問野漁

程秉釗字公勛號蒲孫續溪人光緒庚寅進士改庶吉

士有瓊州雜事詩

詩話公勛少治經學通訓詁爲文務求奇古著有續
溪備乘公穀攷義漢學師承記續記龔定菴年譜少
思長室文存丹荃館詩餘光緒己卯舉江南鄉試年
已四十有二會試出錢樺菴少宰師房力薦未售爲
延譽於公卿間常熟翁文恭吳縣潘文勤順德李文
誠皆與折節論交余因樺菴師與之相識庚寅登第
逾年卒余銘其墓其詩於瓊州雜事
詩外有龔學齋古今體詩未之見也

瓊州雜事

大中初政快恩讎王氣中原旧漸收若祇尋常悲謫宦千秋何止李崖州

凌和鈞號衡甫嘉興人光緒庚寅進士官工部主事

岳武穆王銅爵歌

古爵斑斕高寸五文字鬱律蛟龍舞云是嘉泰四年造相臺後裔祀忠武忠武祠宇松柏蒼金牛湖畔金陀坊生恐精魂招不得卻鑄彝器薦椒漿馨香上達爲王侑王欲下咽眉應皺若教痛飲抵黃龍何用款字精忠箇生氣旁魄物與傳塵劫受磨五百年商尊培擊魯壺碎神靈呵護非偶然吁嗟乎秦張當年漏鉢鉞麥飯燭酒春秋闕子孫豈少不祥金徒供當官鑄佞骨

黃紹第字叔頌號縵庵瑞安人光緒庚寅進士改庶吉

士授編修歷官湖北候補道有緦庵遺藁

詩話叔頌典試衡文不拘常格故多得知名士以貧改外非其志也辛亥後樵悴憂傷不數年卒詩多讀書論古之作時或寄託無題以抒幽憤

將去彝陵用梁節庵閒山韻留別李堯岑參議李子

申觀簪

解官乍覺此身閒引睡文書一律刪鄉夢難忘斤竹澗宦
游屢訪下牢關江流東去歡將別崦景西催老未還鴻雁
驚風遺迹在苦教夜雨憶巴山

留別凝碧軒園中草木再疊前韻

小園草樹稱蕭閒手撫庭柯綠未刪身世巢鷦聊此寄門
庭羅雀不妨關落梅送客應傷別叢桂留人似乞還辜負
故鄉松菊約結廬相對集雲山

讀林霽山集

幽草瓊花託夢中至今文字照江東
玉魚葬處魂何往石馬陵前力竟窮
嚴瀨孤踪羣羽伴娥江沈恨疊山同
如何採藥談遺老不及薌林鄭樸翁

讀辛忠敏南渡錄

長城迤邐西復東烽火猶照甘泉宮
熒惑入斗下殿走黃沙萬里鵲花紅
神州陸沈始典午銅駝荆棘無甯宇
行酒天子泣逋臣奉巾庶人頌聖主
建業銅馬浮江來長淮以北多蒿萊
襄國岩壘季龍闕長川巖巖佛狸臺
關西楊後隴西李天上眞龍起晉水
天寶蘊孽野豬精貞元傷心假獅子
唐季藩鎮益紛紜沙陀特起鷁兒軍
姑夫稱兵向鞏洛翁帝責賂捐燕雲
天福太后徽陵女白衣待罪黃龍府

北來喫飯主恩深南嚮颺灰妾心苦天水龍飛開帝基黃
袍倉猝陳橋師薰風門外降王宅長春殿前學士詩惜哉
嗣皇多失德艮嶽竭盡萬夫力道君端拱上清宮媼相鋪
張燕山石朔方胡騎風蕭蕭杜鵑淒絕天津橋城郭一朝
華表改烽煙三月咸陽焦平沙浩浩竄荒裔廕廬慙對延
禧帝役夫申恨骨碌都府吏報恩阿計替馬角烏頭久不
歸淒涼羌笛梅花飛珠結同心澤利婦金釵一角蓋天妃
五國城邊藁葬處墓門無復冬青樹首禍未蔽童蔡辜復
讐重爲汪黃誤百年興廢天難知青城續賦遺山詩孟珙
幽蘭函朽骨劉祁甘露題殘碑稼軒奮筆書國恥內諱頗
乖春秋旨未妨杜牧著罪言甯免魏收譏穢史建炎南渡
頗偷安願寫百本朝堂觀激發功臣動毛髮鉞砭孱主無

心肝東南半壁金甌缺抱虎枕蛟同一轍葛嶺高築半閒
堂蘭亭私題二義碣我生頗似靖康時舉目河山淚滿頤
江南更無乾淨土河上坐擁逍遙師冲人高蹈勛華迹文
武舊臣奉金冊衣冠何似廣明年正朔旋更至元厯鼎湖
一去龍爲魚湘女祠前斑竹枯滄海橫流無著處搢紳莫
復談黃虞

黃巖揚定夫前輩寄示感懷詩次韻奉答

九死餘生似裕之秋風蕭瑟鬢如絲私憂嫠婦周將隕頗
羨村人漢不知野草有心燒後在殘花無力雨中持玉京
回首昇平夢可復衣冠尙昔時

郡記重編鄭緝之梓鄉舊帙渺金絲赤城靈秀逶迤接白

石淵源約略知

葉水心講學於樂清白石黃巖丁希亮王
文戴仍蔡許夏庭簡皆來問業見水心集

垂老生涯同寂寞讀書種子孰扶持至今墨妙碑亭過尙憶先生坦腹時

黃巖王政伯同年後雕草堂落成寄詩索和次韻答之

略識文章豹一斑傳經著述二洪間暮年蕭瑟初歸里故國周圍賸有山閑與靈均吟楚澤敢煩尹喜候函關露車草草差安穩餘痛驚心倦鳥還

滄桑飽閱如傳舍莽蕩乾坤一葉身杜老萬間思突兀放翁千步愛嶙峋手編詩集還題晉口授經文未燬秦聞道草堂無俗客哦松來伴歲寒人

重擬東坡贈影形清文落手似新硎芟除蕪穢談經席點綴芳菲問字亭萬里新愁雙鬢白百年舊物一甌青五峯

師友淵源在咫尺蒼溪有典型

吾鄉李五峯學出於黃巖邱本居陶九成又爲五峯

子弟

年來儒效歇迂疎寂寞蘭陵講學廬歸去聊營陶令宅寫成應有鄭君書海濱孤憤消精衛世上危機避寄居衮衮諸公臺省滿華堂意味近何如

楊承禧字靈菴江夏人光緒庚寅進士改庶吉士授編修四川候補道有靈菴集

詩話靈菴終身困衡不遇世道盛衰時政得失一見於詩詩祖少陵造語矯變長篇尤酣恣多倔強自喜之作嘗有架上鷹詩云自堪萬里衝風雪飢餓由來莫近人可見其寄託之高

與艾立三

丈夫盛年弄筆硯宦學已成難自薦黃金鑄交知未深明珠投入望誰呵卽今蠻觸鬪紛紜朱方羽檄時相聞天子

獨嘉南越義漢朝重召李將軍似君奇士幾曾有韜鈴百
萬談兵口不戰成功在伐謀運策決勝由反手賈誼翻思
屬國勲請纓乘傳壯終軍立柱窮邊標漢界封山絕頂誦
奇文豈知閭巷無人識負擔行歌黯顏色志存溝壑不肯
忘時須富貴終來逼請爲先生善解嘲壁間雄劍雙纏縈
可憐一試非容易莫將輕重比鴻毛

大風雨從漢陽渡

中流拔劍橫江水雪痕如山復幾重浮世津涯何莽蒼平
生淮海在心胸天邊電笑多投馬雨後風顛遠送龍回首
晴川煙樹闊夕陽一角度疏鐘

與田靜軒艾立三飲周試生宅作歌

周氏堂前飲春酒座中四客平生識燭花欲謝杯琖空樂

且厭厭情未極借問客爲何許人四人同心不易得卽今
便已稱奇士於古亦足爭雄伯折節初慕季心恭負氣難
除袁絲育丹青皎潔見本性卞和猶抱荆山石若使當初
入秦市仰天一歎烏頭白亦能鐵椎懷袖中干夫之勇皆
辟易不然扁舟五湖去黃金珪組判一擲甯當偃蹇詫不
遇跋前疐後遭狼籍未來成敗豈逆睹眼前義利粗分晰
螳螂當車蟻拔樹久知造化非綿力區區志烈差自異悠
悠虛生眞可惜吾徒終竟止如是人生何貴有羽翼

榕湖新建樓

榕湖老榕蔭百尺增巢架構接飛瞰瞥看畫壁雲來影直
到長天鳥盡痕千歲枝柯荒薜大當時城郭廢譙存精靈
化作山嵐古瘴雨橫吹斂夕昏

遣愁

流水何嘗捨春風不肯豪野晴新樹直池雨暗泉高多病
悅人健觀生知己勞愁來莫強酒一琰卽醅醕

顯凡翊夫出示晚步武擔山之作奉和

城隅荒僻問誰來二子能居何陋哉雨後新苔隨屐合風
前敝席映門開久幽不改沈冥操多累元非隱遜才相與
褰襟延暝色空思呼酒傍池臺

武擔殘山草樹傍晚登蹠蹠似平岡雲容流過錦江碧月
影飛還石鏡涼池上私蛙偏吹主城頭野雀盡歸倉幽居
自占無人覺薇蕨如生卽首陽

蔣廷黻字稚鶴號盥廬海甯人光緒庚寅進士歷官潮
州知府有隨扈紀行詩存麻鞋紀行詩存

抵行在率賦

頻年清鏡點吳霜回首燕京道路長千里不辭冰雪勁一
官恥爲斗升忙乍瞻魏闕眞疑夢重覩堯天喜欲狂聞道
深宮珍貢卻願將在莒祝毋忘

江雲龍字潤生號靜齋合肥人光緒庚寅進士改庶吉

士授編修江蘇候補知府有師二明齋遺藁

詩話潤生慷慨批奇嘗曰達則爲孔明窮則爲淵明
故以名其齋居館職不稱意改外一權徐州遽以病
歸詩有磊落之氣瞻視非常辦香
坡谷惜年未及艾未竟其才耳

二女篇贈李仲仙布政

巢湖如洗鏡孤山如點黛就中生二女容顏婉變對年紀
頗相若幼者弱一歲閭里旣相接性情復相愛初七及下
九出入每連袂同守不字貞各抱知希貴畢竟幼者美光

華難久闕空谷發幽香清飈飄蘭蕙朝掃峨眉月夕解湘
江佩飛雲撮其履紫雲承其蓋來去儵如風遊戲天人界
老女坐湖山日抱泉石睡夢醒墮京華王侯高甲第其中
多美女豔妝爭妖異冠髻峨以高眉腰曲而細自慚步履
非欲進仍卻退幼女翩然來光豔照滿地鄰姬噴稱羨室
婢驚走避老女出迎將掩揚增醜態絺衣黯不光荆釵理
復墜憐我女貞木慘淡無澤氣分我玳瑁簪繫我香羅帶
飾我百琲珠一一生光怪攜手上香車流軫銜飛轡大道
易揚塵長風影輕旆生懼一點汗芳蘭竟體敗每念舊湖
山結廬今仍在野菊燦晚花修竹灑晴翠自冷二女踪庭
宇生蕭艾續女挑鐙歎田婦倚鋤待會當聯袂歸歲寒保

松檜

夢湘校試通州卷用東坡監試韻賦詩見示倒韻和之

疏室過清風午夢初回枕失笑少年事欲語口還噤束髮受章句眼光入槩鉞偶弄嫫母姿愛者忘陋寢堂上諸公坐暗中摸謝沈染指天家庖自許精調飪後生思大嚼過屠來密諭函人恥爲函察革眠其朕奸者侈異服吾道悲左衽泮林十畝地鳴鵲來集樞雲中鳥亂羣淵底魚驚淦積陰塞大荒不寒思之凜嗟子刷天馬故步愁蹕蹠水翦雙玉瞳淨洗砂石礪我爲老棄婦不堪再裹錦痛哉盧瑑言此日霖何甚定當置高閣十羽束爲審愛蘭必鋤艾披麻時見荏班固眼如豆人物混九品鐵點史公書佳者拾餘瀋此語起公興斗酒快一飲人才荒年穀儲之歲必稔

逸士澗底松鬱之天所稟八百盡孤寒日思發帝廩

夢湘肯堂疊前韻復我因順和之

大儒盜詩書大官盜庾廩顏稷遇殊途惠跖生異稟豺虎欺歲凶螟螣賊歲稔鵠鷄穩隼巢鼠飽河飲雞犬舐剩丹蠅蚋拾餘瀋凡此芸芸生實難一一品中疑辭或枝色厲內多荏離朱視必明師曠聽必審淵明聖之徒有解不求甚昌黎詭於文天孫織雲錦大風揚秕糠長河走砂磻奈何一蹉跌隻足憐夔蹇嗟余才力薄六馬朽索慄坐井鼃不旋竭澤魚初涸先生好六經日日鳩醉樾更得主人賢嚮趾請席在河馬行負圖寶龜應卜朕定覘文運昌後學爭來諗換骨予大藥咽氣謝凡飪江左起王謝眼中無劉沈頗聞大憝誅四裔兵革寢且圖眠食安肝鬲息雕鏤

吾舌固尙在願學寒蟬噤約作夢中游得趣同忘枕

次夢湘登海陵城韻

黯澹春容久不晴天時人事兩心驚匹夫何責齊興廢古
道論交一死生許有青山埋俊骨怕無黃竹寫哀聲神仙
兒女終能累婚嫁何年畢向平

漫興呈穆少若觀察

事到無聊學閉關孱軀甯耐地卑寒閒雲零落不成雨病
木支離強戀山歲歉每傷棉力竭時危便做布衣難郭仙
雅意憐才盡早索江淹彩筆還

王以敏原名以愍字子捷號夢湘武陵人光緒庚寅進
士改庶吉士授編修載取江西知府有槩鳴詩存

詩話夢湘早歲客游山左酒邊扇底多緣情綺靡之
作中年以後詩思壯闊聲調益高少與易實甫齊名

詩境亦
略相似

懷易五實甫賦寄都門

驚飈盪頽雲行人何時休別君未經旬嘉會成千秋當時
兩年少意氣輕王侯小蹶不知惜甯畏風塵游及茲三載
逢射策終未收君羈長安蹤我返琅邪輶臨歧一握手淚
忽緣纓流動業不一建歲月去我適豈伊戀別離奈此霜
盈頭白日何昭昭河水何悠悠飛鳥各適林嗟我誰爲儔
高名鬼先惡清狂世所尤珍重千金軀慎勿耽冥搜已矣
不復道各勉獨善謀

人日遣悶

掠面清風酒在亡春雲曉夢兩茫茫天涯豈料逢人日海
外誰傳獲鬼章地僻魚蔬登肆晚歲新筍鼓饗神忙空林

獨立翻成笑北雁何曾識故鄉

游佛峪龍洞偕石勵齋

庚

張采南

韻輔

孝廉

天風吹石梁金碧炫巖腹萬花雨空際寶相一何肅山僧
出迎客野餉雜溪蕨散髮對屏帳開襟到童僕一蟬戶外
鳴導我訪靈瀑香乳漱雲石陰籟盪琴筑佳哉草木氣照
水同一覆閒持酒巾浣靜觀游鯈逐何處煙寺鐘涼蟾挂
疏木

夜夢不知所晨起舉雲梯亂峯偃蛟鼉初日升虹霓浩浩
長風號足底雙塔低登高一舒嘯白氣迷青齊濟北萬煙
戶黃流一沙隄繫我襟帶間安能辨東西南有仙人坪亭
圯餘芳蕙我欲掇其實上追阮與嵇日鶴不可招襍被誰
與攜迴看下山路松毛落寒谿

冬夜讀吳門沈潤生傳桂二白詞

空山誰按九歌聲一種斜陽萬古情
綠髮搔殘紅袖冷江南腸斷沈初明

清鐙畫舫醉蛾眉落魄江南笛一枝
絕似當年柳三變曉風殘月酒醒時

登岱絕頂放歌

亂山北走如游龍岱宗屹立東溟東
胚胎元氣孕萬有獨踞震位鞭羣雄
我來二月雨新霽喜見突兀凌蒼穹
雲聲溽影接咫尺呼吸似與神靈通
天梯萬仞不可以徑度朱闌一綫懸
長虹戔戔南天門雙闕縹緲中秦觀
日觀左右峙俯視下界青冥濛攝衣
直走太清宮兩袖浩浩來天風齊煙
飛青吳練白混茫八極疇能窮海水
一變河一勺何

論鳬繹兼龜蒙惜哉西山去我遠舉首不見扶桑紅手折
秦松下山去半嶺星月搖青空我聞蓬元仙藥壽無極青
天跨鶴何恩恩笑謝山靈約息壤誓晞綠髮尋崆峒

游皋蘭山

東巖懸流若鏗玉西巖噴瀑如鳴筑兩巖路斷青屏開古
柏陰森撲眉綠攝衣拾級趨琳宮飛閣連雲滿巖腹能仁
高卧何處尋空山落葉無古今香煙欲燼栖鳥散長河如
帶懸疎林驚飈盪空白日晚坐覺塵囂去人遠興來淪茗
掬清泉更逐歸雲度層巘清暉閣裏金尊開秋色極天邊
馬哀接離倒著徑歸去憶爾征西驃騎才

六盤山

積雪瞻太華油雲攬東岱今過六盤山益信天狹猶高高

隴坂雲橫分雍梁界一支走北地羣山互鼇戴梯空安可
窮毋乃厚坤隘七月陰崖寒風雨白日晦千盤作螺旋百
轉出鳥背登高望西極川原盡破碎一身裹雲氣焉能辨
涇洩元昊昔盜兵藏鴿逞機械宋師實不競赤手搏蜂蠆
惜哉一韓名何救好水敗元老聖朝出軍威震無外一清
關隴塵再盪祁連穢茲山屢駐節煙嵐壯旌旆事往哲人
萎攀柳尙遺愛淒其隴頭水邈矣風雲會驅馬拜蕭寺松
風漱寒籟元宮亦成塵惟有名山在

夏曾佑字穗卿錢塘人光緒庚寅進士改庶吉士歷官

泗州知州有碎佛師雜詩

詩話穗卿爲紫笙署正鸞翔子讀書有神悟深通釋
典博涉宗教家言性嗜酒卒以是成疾平生著作多
不存稟偶作韻語皆蘊蘊深遠
出以澹蕩蓋有得於詩之外者

超山

超山我故人十載心相識愧我作勞薪與山失交臂行將
入京華立願窮幽異孤帆落栖憊招邀有昆季更約一二
人刺舟響菱芰遵渚折迴波壓篷滿空翠人望意中山山
有迎人意奔舟入松篁芒鞋快新試蘿磴轉千盤樹杳琳
宮閤石壁傍寺門青苔拭題字小憩款禪扉烹泉展茶具
寺後倚巉巖仄徑通幽邃崩崖絡藤蘿荒榛切冠屣誓與
山相窮志決力亦驚俯首而蛇行直上猿猱避一瞥天地
開大快生平志紋波上下河羅帶縈迴颿葉葉過風颿絕
似鳬鷺戲遙望錢塘江東去何雄肆暉茫接海門應有魚
龍蟄江右置州城峯巒相覆被西湖與南屏落日蒼煙裏
中有倚閭人會當念征轡迴首望吳興羣山列如幟其石

秀州城風煙隔明媚高鳥入寒雲平蕪沒孤騎微茫煙雨
樓縹緲茶禪寺明日怕孤帆極目知何地莽莽目中山歷
歷心頭事宏識與孤懷對此將誰寄涼蟾欲東升駿鳥漸
西墜四山橫暮煙萬籟交寒吹愀焉不可留心魂爲之悸
揮手謝山靈歸覓壚頭醉

送汪毅白

落拓長安酒半醺烽煙如此況離羣馬頭風雨連紅樹笛
裏關山望白雲千古心期憑寸簡九州容易入斜曛江湖
斷梗藩籠翼一樣生平負典墳

釣天帝醉誰從問紅燭光寒各自愁繾綣歌憑夕照沈
吟龍戰老扁舟觀河歲月皆青史嚇鼠功名惜黑頭用舍
皆非惟我爾片帆開已愧沙鷗

答葉枯吾

亦知非遠別雲樹黯銷魂心逐孤颿遠人歸暮雨昏到家
知客樂多難悔身存歲晚如相見應添雪鬢痕
愁邊天地窄寒雨復沈沈竟夕真無寐披衣獨苦吟壯懷
殘月落交誼暮疇深便有中旗在無爲便爨琴

春雨

頻年飲餞短長亭暮靄沈沈一火熒已覺平蕪千里碧不
堪回首數峯青樓臺幾處曾登眺身世無端入杳冥柔艣
古來多事物幾人元鬢爲伊星

丙申三月將改官出都和青來前輩

連天芳草送征輪未免低徊去國身八百餘年王會地垂
楊無語爲誰春

何士循字勉之息縣人光緒庚寅進士官樂清知縣有

詭廬詩鈔

詩話勉之官浙所歷皆山水勝地故詩多紀程之作
斷句如河流雙闌斷海氣一街腥離編崖齒朝舒豔
棚覆松毛暗有香皆
工於寫景一掃浮藻

芙蓉早發至大荆

空齋起對佛燈明辨色東方已啟行半嶺松風斤竹澗一
天梅雨大荆城稍分巖壑供游鵬猶覺衣冠苦送迎帶得
山中雲霧去煮泉且試雁茶情

壬寅春正四日晉郡小憩道中古巷信筆書此

平野麗晴暉春風扇和淑岡巒界畫明山樹雜紅綠遙聞
村鼓墜近視兒衣簇新年幸無事對之悅心目籃輿此暫
停庵小堪容足移几置詩編對佛脫官服拭面論山茶小

坐忘塵俗

行腸轉易飢草草具午饌餐少味無兼酒濁壺有半舉酒
酌古佛低眉佛無見獨飲意亦欣暫喜得閒散鄉民紛來
窺短衣僅及胛竊言宦性殊不米而食麪兒童不畏官索
食天真爛祇此數餽餽分食苦難徧安得倉箱盈家家足
飽飯

自我來太平十日五巡鄉一到松門城六夜宿箬簣凡再
至三至新河及新場足跡徧東南更涉大陳航乘風破海
浪百里犯重洋兼至隘頑城除夕食不遑鳴琴易鳴笳誰
云不下堂每每督隊出有如事戎行前行列營哨到處聯
團防礮聲雷訇旬旗影風飛揚冒雨羣如沐犯雪凍欲僵
我勞民未安中夜起徬徨且喜入新年暫可息塵忙行行

復至郡乃爲迎送忙

上灘

送人不斷青山青舟行如馬江流澄舵師辨水苦未能轟
然地軸翻雷霆船尾一呼船首應一篙齊以一肩撐亂篙
刺水水欲騰亂石抵篙如相爭一夫躍入推以肱十夫齊
躍聲礧礧或扛以木牽以縋直似洪鐘撞寸莖氣急聲嘶
力不勝上灘乃如天難升四山日落煙冥冥江風吹過魚
龍腥有客兀坐如枯僧爲言舵師舟且停詰朝辨水重揚
舲舵師無語雙目瞪篷底熒熒明寒鐙

江山縣

百二灘行盡岩堯指縣門溪流牛鼻沒山勢虎形蹲夜賽
知年富冬晴愛日溫孤舟停泊處紅葉自成村

夜泊桐廬

八年五過此身世感飄蓬
短髮盈梳白頰顏借酒紅打窗
疑夜雨移燭避江風
津柝聲聲急垂頭有睡童

李長郁字康侯衡陽人光緒庚寅進士官宣城知縣有
崇實堂詩集

寶劍篇別同年黃方舟

鳳城

中翰

咄咄出匣風雷驚曹子登壇劫齊盟
督亢圖盡機不快荆軻手中是頑鐵
長橋老蛟何太饒身沐腥血出吳淦英雄
成名仗一劍千里取勝馬如電樓蘭頭血戰
袍濺此劍矯健龍蚪如此寶忍將大羊汚拂拭
苔花且深圖智勇自甘落人後五更古壁生銅吼

李結字綠寶廬陵人光緒辛卯舉人官內閣中書

詩話絲寶早負雋才以傷春賦知名詩多慨愴之思
年二十七歿於揚州德情蔡師愚竇善懷人詩有云
齊麥青青黯黯落暉竹西歌管尚紛紛
清狂杜牧今何有腸斷揚州月二分

宿瓜州

忍別東吳卻上征西風吹雪浩縱橫孤燈未照西歸夢且
聽東流一夜聲

和許正卿見懷原韻

蠻荒鑑月送生涯上國江山照物華方恨南昌違北斗翻
令西子羨東家勞人身世皆檣燕蓋代功名亦蓋蛇待與
吾師聽流水成連會泛海天槎

京口口占

汨汨濤波出廣陵關梁咫尺潤州城送人萬柳參差沒奪
眼諸山次第生三楚暮雲寒有思九江落日浩無情勞生

未厭聽胡笛愧煞中流擊楫聲

京口望金山示吳將軍

夕陽滾滾海門濤大將樓船暮雪高誰向天南扼天險梵
王宮殿壓金鼇

金山絕頂曉望

爛爛匏瓜懶不捫冥冥鐘梵歇天門海波忽動扶桑紫金
粟山河遶世尊

中秋登南昌南樓翫月有寄用東坡韻

南昌仙人樓何高上凌月窟宵察毫三年兩次失佳會不
隨眾上看銀濤爾來散盡便娟子十丈飛螢杳如水酒酣
舞節無奈何忽復登樓惆悵起此時碧漢飛晶丸妖蟆避
馘都潛蟠轉留更戀翫莫釋冰輝亂溢生芒寒回首秦吳

復燕汴繁華百代須臾變但聞帝子閤銀盤那見仙人遺
鐵板重揮雙淚對江山露草風鐙若箇堅照徧古人今月
在不留今月古人看古今看月斯樓好一一歡娛太潦草
數去明年恐更非悲來今夕還應老自從離別萬事貧南
昌風景盡愁人憑欄一吐肝膽出爲寄當時樓上客

塞鼓

塞鼓慘淵淵幽都落日天嚴陰壯短昴朔吹下寒煙歲事
孤鴻外霜威萬馬前誰知貂錦客倚劍望三邊

直中書省學謝元暉體有寄

黃暉靄紫軟索景馳金爵鐘鏞殷西清球鼎閤東閣惜惜
玉漏歇羃羃金露落禁衛集駢鼓將作散丹腹時太和門役未畢
伊余躬休慶肅佩趨禁鑰未遺貢公榮竊廁曼倩譴弁微

此貂珥陋拙汗朱襖敢塵側階典聊忝登池樂寄語隱霧
豹勿警乘軒鶴

吉州道中

馬蹏前路莽蒼蒼迴指寒林是故鄉草木豈知人事變間
關贏得役車忙幾家村落成墟墓終古河山對夕陽莫怪
停鞭行更緩沿溪十里橘橙香

望湖樓

君今望湖樓上眠樓前已繫過湖船明朝我始探湖出登
樓望湖心惘然

姚鵬圖字古鳳號柳屏鎮洋人光緒辛卯舉人官鄒縣
知縣

丙午八月日本修文館講席贈南菁舊同學

南菁文藻久荒蕪，尚有君山一卷圖。但使遺珠返滄海，未妨吾道在江湖。窺牆已被東家笑，博塞應憐玉女孤。安得靈獨收此局，倚杯難換舊棋枯。

同上修文海外樓，李唐榜署到今留。千金未計求真骨，一傳猶能敵眾咻。反哺漫言烏盡孝，補天終與石爲謀。書生踏徧搏搏土，日入還爲日出謳。

王景字蘭生，侯官人。光緒辛卯舉人，有秋影庵遺詩。

雨後木山堂獨坐

雨餘身亦適，地僻榻長閑。落葉過橋水，涼雲隔屋山。未能飲文字，尙許愜孤頑。昨夜還家夢，思之彷彿間。

健爲野望

叢蘆深處見平皋，細路迴沙曲折遭。山勢銳於牛礪角，江

湍鬱似馬羈槽兒童弄水紅衣薄樓觀迎秋碧瓦高欲訪
堯夫游憩處西風吹鬢晚颼颼

答文子靜

唱後巴歌更楚騷海門東望涉驚濤他時憶我西窗話滿
樹梅花霜月高

謁工部瀼西草堂

問訊瀼西水千年舊草堂山容明積雪江色動垂楊生事
花鉏盡人情菜把傷蘇門引長嘯輸爾是能狂

自分貧非病還因瘦可憐負薪同谷日中酒未陽年世難
生前感詩名死後專臨風撫殘碣零落到重鐫

吳寶鈞字芷涯秀水人光緒辛卯舉人官教諭有風雨

廬殘稟

鹽官東郊觀濤賦四絕句比物連類以起興

露桃雲杏豔妝紅一路胭脂點玉驄
江上芙蓉屢憔悴不須根觸怨東風

琴臺一簇壓狂瀾流水高山識曲難
欲覓鍾期渺何許亂峯重疊繞鹽官

遙看秦駐舞煙鬟白浪黃雲蒼莽間
萬里瀛寰恐漂蕩故教最屬冠靈山

奇珠顆顆滾波心牛渚無犀那易尋
銜石難填滄海恨可憐精衛是冤禽

言有章字審博宛平人光緒辛卯優貢
官獲嘉知縣有堅白室詩草

示周大曹四疊韻

孔與墨突爲誰忙治國眞如卜式羊奇氣尙堪淩海嶽天
心底事有冰霜且拌觴詠依金谷絕羨昇平到柏梁欲判
從違問詹尹黃鐘何地許高張

次蘧公見贈韻卽送之渡河

置身高處鳳巢阿虹欲爲霖下飲河蕭育後曹同氣短孟
公俠骨入詩多豺豕載道紛憂患鸞鶴排空足嘯歌潘岳
重來桃李笑幾生慧業問維摩

晚晴簃詩匯卷一百七十七終